

滿洲名臣傳

十一上

滿洲名臣傳

內閣文庫	漢	2305
冊數	160 (21)	
函號	290	43

內閣文庫	漢	2305
冊數	160 (21)	
函號	290	43




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





滿洲名臣傳卷十一

白爾赫圖

璉錦

喀喀木

蘇魯邁

愛松古

金主和

瑪爾賽

岱松阿

蘇拜 譚拜

翁愛

達素

秦世禎

布克沙

伊拜

甘都

阿岱

瑪沁

費雅思哈

伊理布

西喇巴雅爾

徐大貴

白爾赫圖列傳



白爾赫圖滿洲正白旗人姓納喇氏初由前

滿洲名臣傳卷十一

一

鋒校授兵部副理事官崇德五年隨睿親王  
多爾袞圍明錦州敵出城犯我左翼白爾赫  
圖同前鋒叅領鄂碩戰卻之復擊敗杏山敵  
騎六年同前鋒統領吳拜叅領瑚密色等屢  
擊敗明總督洪承疇兵於松山杏山間七年  
春自錦州分兵畧寧遠獲牲畜八年任前鋒  
叅領順治元年大兵入山海關討流賊李自  
成白爾赫圖擊敗偽總兵唐通於一片石既  
定燕京追賊安肅及望都金多斬獲復隨豫

親王多鐸西勒自成連破賊營攻克潼關二  
年移師江南徇蘇州擊走明巡撫楊文聰獲  
其船二十餘進征杭州擊敗明大學士馬士  
英之眾分兵徇湖州同前鋒侍衛安泰圖色  
等以雲梯克其城三年隨端重親王博洛征  
金華敗賊眾于入步嶺進定福建五年隨鄭  
親王濟爾哈朗征湖南時自成餘党王進才  
馬進忠袁宗第等分踞寶慶武岡六年白爾  
赫圖率本旗前鋒破賊湘潭進征寶慶同副

都統拜音岱擊敗迎戰賊眾克其東門賊於城外結九營將復來犯白爾赫圖擊之潰溺水死者無筭尋自武岡征沅州屢敗進才進忠宗第等進定全州凱旋得優賚八年隨都統阿喇善征山東土賊至沂州攻圍蒼山賊寨斬賊首劉遜張齊又搜勦附近山寨斬賊首趙三元楊大成應科等九年改護軍叅領先是叙山海關暨浙江福建軍功予世職騎都尉兼一雲騎尉及三遇

恩詔洊晉一等輕車都尉十三年擢前鋒統領十五年隨信郡王多尼征貴州時明桂王朱由榔據雲南以其將李定國白文選劉正國竇名望等扼踞貴州要隘大兵至安莊衛劉正國以眾迎戰白爾赫圖同護軍統領布葉錫禮擊敗其眾斬正國於響水橋導大兵渡盤江進克雲南城十六年白爾赫圖領所部進攻玉龍關白文選引遁追擊敗之獲其偽鞏昌王金印象三馬百四十擒偽據兵呂

三貴大兵取永昌府渡潞江李定國設伏磨  
盤山我前鋒旣深入伏起白爾赫圖下馬據  
石立連發三矢斃賊三人賊駭潰我後軍繼  
進合擊殲之實名望據木柵拒守白爾赫圖  
率眾破賊斬名望遂取滕越州由榔定國文  
選皆遁追逐踰南甸而還信郡王班師白爾  
赫圖同都統卓羅留駐雲南定國旣竄出邊  
屯孟良復圖入犯約降將高應鳳爲內應以  
由榔印劄誘元江土司那嵩倡叛白爾赫圖

同卓羅率兵往勦敗賊於磨隴口進圍元江  
城掘壕困之越月城乃拔那嵩自焚死擒應  
鳳斬於軍十七年以在滇久著勞績

頒賜衣服白金鞍馬十八年九月隨定西將  
軍愛星阿勒由榔於緬甸十一月會師木邦  
聞白文選屯錫箔江邊白爾赫圖同都統果  
爾叙遜塔等簡精銳先發至則文選已毀橋  
遁乃結筏以濟大軍次舊挽坡愛星阿勒白  
爾赫圖率前鋒百人往蘭鳩江濱取緬人所

海濱傳卷十一  
四  
獻由榔及其親屬至軍中大軍凱旋康熙元  
年四月白爾赫圖奉

詔同都統卓羅率前鋒軍先還京叙功晉爵  
一等男六年輔政大臣蘇克薩哈為鰲拜構  
陷株連族人白爾赫圖蘇克薩哈族弟也削  
官爵坐斬八年

上親政以白爾赫圖無罪枉坐追復原官及  
一等男爵以其子白爾肯襲爵十年其子一  
等侍衛羅鐸叅領塞赫等訴陳白爾赫圖征

雲南功多為鰲拜屈抑未予優叙得  
旨下部議晉爵三等子金  
賜祭葬如典禮諡曰忠勇

璉錦列傳

璉錦姓薩爾圖氏世居敖漢部當  
太宗文皇帝收服敖漢時璉錦隨眾來歸迷  
失路竄入明錦州崇德六年大兵圍錦州璉  
錦同蒙古台吉諾木齊武邑什等絕城來降  
授騎都尉世職隸肅藍旗蒙古任叅領

世祖章皇帝順治元年四月隨睿親王多爾  
袞入山海關擊流賊李自成署副都統事督  
後隊兵有功加一雲騎尉六月與都統覺羅  
巴哈納征山東七月移師山西僞伯陳永福  
據太原璉錦單騎畧城下城中兵突出璉錦  
擊敗之已而我軍攻克太原城其屬五州十  
縣皆降以功

賚白金二年同都統都賴勦自成於武昌追  
至九江口獲賊船明年隨肅親王豪格征流  
賊張獻忠時叛鎮賀珍擾漢中以步騎二千  
踞鷄頭關璉錦率右翼兵隨貝勒尼堪擊敗  
之珍遁走追斬無筭遂進征四川同都統巴  
特瑪等屢擊敗獻忠拒戰賊眾獻忠既滅移  
師涪州與護軍叅領希爾根擊賊袁韜於涪  
江西岸賊皆潰竄五年叙功晉三等輕車都  
尉尋擢脣藍旗蒙古副都統隨鄭親王濟爾  
哈朗征湖南時寶慶沅州爲自成餘党馬進  
忠王進才袁宗第等所踞六年璉錦同前鋒

統領努山副都統拜音岱等攻克寶慶屢敗賊營進征沅州領本旗兵擊賊於洪江斬偽摠兵二偽副將囚賊兵二千餘獲船九七年凱旋得

優賚三遇

恩詔晉一等輕車都尉兼一雲騎尉十五年隨信郡王多尼征雲南明桂王朱由棖與其將李定國等敗竄永昌十六年四月大軍克永昌渡潞江定國設伏磨盤山我師既破其

太欄輝錦同部統沙捏布乘勝追擊遇伏力戰歿於陣

賜祭葬如典禮諡曰壯勤兄子古錫襲職

喀喀木列傳

喀喀木滿洲廂黃旗人姓薩哈爾察氏先世居烏喇部父塘阿禮當

太祖高皇帝時率百人來歸授佐領使轄之從征遼東有功予三等輕車都尉世職後從征瓦爾喀為熊傷而卒喀喀木襲職



海峽各百餘卷十一  
七  
太宗文皇帝崇德三年授吏部理事官五年  
隨承政索海征虎爾哈部敵據柵拒戰喀喀  
木率眾攻破其柵擊斬二百人生擒索倫兵  
一百三十人以歸七年隨征明松山以本旗  
將領失律未察舉降世職爲騎都尉八年二  
月擢吏部叅政

世祖章皇帝順治元年署副都統隨大軍入  
山海關督後隊兵擊敗流賊李自成叙功加  
一雲騎尉時改叅政曰侍郎喀喀木仍任吏

部四年考滿復三等輕車都尉世職尋奉  
命率兵征鄖陽先是大兵定湖廣明鄖陽總  
兵王光恩迎降卽予原官留鎮至是以罪逮  
繫其弟王光泰遂叛糾眾踞鄖陽自稱明鎮  
武伯聯結叛賊賀珍武大定等爲應援提督  
孫定遼戰破賊勢猖獗喀喀木自河南進征  
將薄郎陽光泰乃遁喀喀木偕副將王平率  
兵渡河追勦至房縣斬級千餘光泰及偽總  
兵李世英等慮四川喀喀木還駐鄖陽五年

春提督羅繡錦以叛鎮金聲桓自江西窺湖  
廣請留喀喀木駐防荊州六年還京七年兼  
任廂黃旗副都統三遇

恩詔晉爵三等男初鄂爾多斯部札穆素多  
爾濟屯牧神木邊外害我使臣逃叛旣而札  
穆素悔罪來歸多爾濟竄匿賀蘭山屢犯邊  
界肆劫掠八年九月喀喀木奉

命同都統噶達渾等率兵討之九年正月自  
寧夏出水驛口至賀蘭山後分兵搜勦斬多  
爾濟及其弟二人並部眾悉殲之俘幼弱及  
婦女以歸獲馬駝各數百牛千餘羊萬餘是  
年五月授鎮守江寧提管十年

命爲靖南將軍勦廣東賊寇時流賊張獻忠  
餘党李定國自廣西掠廣東潮州提兵郝尙  
久應之踞城以叛喀喀木至廣州同靖南王  
耿繼茂進征潮州攻圍逾月以雲梯兵克城  
尙久投井死潮州及附近州縣悉平仍還駐  
江寧十六年六月海賊鄭成功陷鎮江襲踞

瓜州遂犯江寧喀喀木與提督郎廷佐提督  
管效忠協謀禦擊檄調蘇松提兵梁化鳳等  
赴援會貴州凱旋之副都統噶褚哈瑪爾賽  
率兵由長安江東亦使人邀之駐守喀喀木  
與密議曰賊勢盛宜乘其未集先擊之簡兵  
逆擊賊眾之先至者賊敗卻獲舟二十餘七  
月成功悉眾薄城連營八十有三賊艘蔽江  
喀喀木與文武官晝夜防守俟援兵既集議  
以綠旗兵先擊賊營于儀鳳鐘阜門外梁化

鳳出儀鳳管效忠出鐘阜夾攻截擊殲賊甚  
眾陣擒偽提統余新及偽提兵二賊氣奪次  
日喀喀木同噶褚哈瑪爾賽率兵出神策門  
見賊踞山列陣乃先分兵左右仰攻而自率  
精銳擣其中堅陣擒偽提督甘輝及偽提兵  
數人斬賊無算成功收潰眾乘船遁我水師  
復截擊之淹斃過半焚其船五百餘又分水  
路追勦賊之在鎮江瓜州者皆遁捷  
聞下部優叙尋兵部請議前此失陷鎮江瓜

州罪

上念其固守江寧功可抵罪予免議

聖祖仁皇帝康熙元年改江寧總管為將軍  
仍以喀喀木任之七年八月卒以其子喇揚

阿襲一等輕車都尉兼一雲騎尉

蘇魯邁列傳子蘇爾濟鄂洛

蘇魯邁滿州正藍旗人姓高佳氏世居棟鄂

部父遜扎哩

太祖高皇帝時來歸授其長子蘇巴海為佐

領蘇魯邁其次子也天命三年蘇魯邁從

上征明撫順樹雲梯攻城蘇魯邁先登克之

六年授佐領

上統大軍取瀋陽遼陽蘇魯邁並從征有功

太宗文皇帝天聰元年隨大貝勒阿敏征朝

鮮薄義州城蘇魯邁率二十人先登請軍繼

之遂取義州俘獲無算三年從

上征明攻克洪山口城予騎都尉世職四年

春

上統師圍永平

命副都統阿山葉臣等率勇敢士二十四人乘夜攻城蘇魯邁與焉城上鎗砲交發蘇魯邁面中鎗不退乘敵砲裂自焚遂冒火樹雲梯登城大軍繼進取永平

上遺醫診視鎗傷

賜號巴圖魯

賚牲畜布帛晉世職爲三等輕車都尉尋征明旅順口及寧遠被重傷得

優賚崇德元年隨武英郡王阿濟格征明北京入邊時攻雕鄂城中砲傷口因以殘疾家居順治七年九年三遇

恩詔晉爵三等男康熙元年十一月卒

賜祭葬如典禮諡勤勇次子遜哈襲爵仕至副都統長子蘇爾濟初任前鋒侍衛順治元年隨睿親王多爾袞討流賊李自成同前鋒統領錫特庫擊敗賊將唐通于一片石三年隨端重親王博洛征福建敗明總兵姜正希

子汀州叙功予雲騎尉世職遇

恩詔晉騎都尉七年卒無子以蘇魯邁之第三子三塔哈襲第四子鄂洛順初任二等護衛康熙十四年隨建威將軍佛尼埒討逆藩吳三桂由陝西進四川擊敗偽總兵高定尋授護軍叅領二十九年調前鋒叅領隨裕親王福全征噶爾丹有功三十年任江寧副都統三十四年擢江寧將軍四十四年七月卒予祭葬如例第五子翁鄂洛初襲兄三塔哈

騎都尉世職康熙二十年隨征南大將軍資塔討逆孽吳世璠由廣西進師偽將軍何繼祖擁眾據石門坎翁鄂洛與都統希福等擊敗之繼祖遁據黃草垵與賊將詹養王有功等合兵拒戰翁鄂洛復大敗賊眾奪其營詹養王有功俱就擒師至雲南殲賊党胡國柄復追勦賊將馬寶巴養元等凱旋叙功晉三等輕車都尉世職尋卒以其子鄂奇襲騎都尉兼一雲騎尉世職

愛松古列傳

愛松古姓納喇氏世居葉赫

太祖高皇帝天命四年來歸隸滿洲廂白旗  
屢從征伐

太宗文皇帝崇德四年

命偕察漢喇嘛等赴明邊殺虎口互市尋復  
遣往科爾沁調教漢奈曼扎魯特吳喇忒諸  
部兵征明三年七月初設理藩院以愛松古  
爲副理事官十月自歸化城導厄魯特部長

墨爾根戴青來歸四年

詔率巴林吳喇忒兵赴四子部追捕逃人愛  
松古至中途潛歸論死

命從寬鞭百仍令供職六年隨大軍圍松山  
明總督洪承疇遣其兵夜遁理藩院官屬未  
偵報又不悉力邀擊愛松古復坐鞭責罰緩  
世祖章皇帝順治九年擢任佐領隨都統葉  
臣等征山西時流賊李自成西遁其僞伯陳  
永福據太原我軍以紅衣砲攻之城圯永福

挾眾突出愛松古以蒙古兵迎戰多斬馘獲  
馬千餘又追敗賊將馬驥于黃河獲舟十有  
五二年隨都統巴哈納進圍延安賊馬步出  
城來犯愛松古卻之尋率入騎躡追自成獲  
其孥三年五月蘇尼特部騰機思等率所部  
叛奔喀爾喀七月豫親王多鐸率

命集兵克魯倫河進勦愛松古率前鋒兵扼  
據險隘大軍繼進騰機思遁走復隨侍郎尼  
堪副都統明安達哩乘夜追擊獲其輜重斬

其台吉茂海遂渡圖喇河喀爾喀土謝圖汗  
以兵二萬拒戰愛松古隨鎮國將軍瓦克達  
等敗其馬兵追逐三十餘里四年叙功予雲  
騎尉世職五年四月卒

命率蒙古兵六百駐防太原涇陽叛賊李陽  
以二千人來犯愛松古敗其眾斬李陽以狗  
十一月又擊敗叛賊王享明于交城是時叛  
領姜瓖據大同賊黨劉遷糾眾萬餘謀犯代  
州與瓖犄角愛松古聞報率駐防兵馳赴代



州偕遊擊高國棟籌畫守具遷擁眾猝薄城  
下立雲梯爲乘城計愛松古力禦之獲梯九  
斬賊三百賊益兵掘城我軍自城上發矢石  
賊多死遷走繁峙六年正月賊復來潛犯城  
郭奸徒爲內應門啟賊眾擁入郭愛松古督  
兵嬰城固守越十餘日端重親王博洛統兵  
赴援擊敗賊眾斬賊渠郭芳遷遁代州平乃  
還駐太原四月瓌党十餘萬由清源犯太原  
愛松古與巡撫祝世昌議賊勢猖獗宜相度

形勢據險防禦使不得逼城下乃分遣將士  
赴清源徐溝禦賊會昌端重親王率兵自晉  
陽入勦賊眾敗遁七年遇

恩詔授騎都尉叙功加一雲騎尉八年擢叅  
領尋擢廂白旗蒙古副都統兩遇

恩詔晉世職爲二等輕車都尉九年流賊張  
獻忠餘党孫可望等寇掠湖南愛松古隨敬  
禮親王尼堪率兵勦賊師至衡州王破於陣  
師還以不及救王降世職爲騎都尉兼一雲

濟州名臣傳卷十一  
騎尉十六年致任康熙十四年六月卒  
賜祭蓋如典禮子納青初以三等侍衛於順  
治十六年隨征海賊鄭成功至廈門卒於軍  
至是以納青之子瑪爾繼襲職

金玉和列傳

金玉和遼東人後隸正黃旗漢軍  
太祖高皇帝天命四年征明取開原還軍界  
凡玉和時為明千總與同官王一屏戴集賓  
等率二十餘人來降授叅領子三等男爵

太宗文皇帝天聰五年擢禮部承政六年

上幸演武場

閱兵玉和同額駙佟養性等率所轄漢軍環  
甲列陣試砲得

賜鞍馬八年考績皆二等男崇德元年都察  
院劾奏玉和與吏部承政李廷庚互舉子弟  
事坐徇私罷任降世職為三等輕車都尉二  
年從

上征朝鮮旋隨武英郡王阿濟格征明皮島

以前進之水師失利玉和不趨援論死  
上以其有率眾投誠功免死革世職四年復  
授叅領六年隨大軍圍錦州屢擊敗明兵時  
明總督洪承疇部眾分踞松山南三臺玉和  
率兵攻克之盡殲其眾敵乘夜犯我壕塹奮  
擊卻之斬級五十七年錦州下復率兵攻克  
塔山城叙功予騎都尉世職八年隨鄭親王  
濟爾哈朗征明寧遠攻克前屯衛中後所二  
城

世祖章皇帝順治元年正月擢工部叅政二  
月叙寧遠功晉三等輕車都尉八月以副都  
統隨征河南署懷慶提兵官時流賊李自成  
爲大軍追逐竄陝西其黨二萬餘剽掠河南  
十月犯濟源縣城玉和統兵往援至則城已  
陷夜半遇賊力戰中流矢歿於陣事  
聞下部議追卹晉二等男以其子維廷襲雍  
正七年入祀昭忠祠

瑪爾賽列傳

瑪爾賽列傳

貳

瑯爾賽滿洲正白旗人姓他塔喇氏

世祖章皇帝順治七年襲父譚拜二等男爵  
尋兩遇

恩詔晉一等男兼一雲騎尉十五年署副都  
統隨寧南大將軍宗室羅託自湖南征貴州  
既定貴陽同護軍統領科爾崑率兵五千擊  
走偽鞏昌王白文選取黃平州十六年八月  
旋師次荊州聞海賊鄭成功陷鎮江犯江寧  
偕副都統噶褚哈率兵由大江趨援與駐防

將軍喀喀木總督郎廷佐等擊敗賊兵并  
守城賊眾數萬屢薄城窺犯瑯爾賽率兩翼  
兵奮擊殲賊甚眾追勦至鎮江賊竄入海叙  
功晉爵一等子

聖祖仁皇帝康熙元年授正白旗滿洲副都  
統二年隨將軍穆里瑪圖海征湖廣流賊李  
來亨高必正等於茅麓山戰輒捷連破賊寨  
來亨自縊死必正率眾降六年擢工部尚書  
尋調戶部七年兼正白旗蒙古都統時淮徐

河堤屢決摠河楊茂勳請於天妃閣外築堤  
逼黃引淮出口俾黃淮相抵以歸海給事中  
李宗孔請塞盱眙決口以防淮流

上命瑪爾賽同刑部尙書明珠往江南會勘  
定議尋疏言興化縣白駒場舊設四閘洩水  
由牛灣河入海近年閘俱填塞水無所洩宜  
卽疏濬仍置版以時啟閉清口爲黃淮交匯  
漕運要浸黃水強則越淮淮水弱則沙土得  
入壅運道宜於黃河北岸多濬引河以分其

勢使沙逐水流運道無阻又董口沙淤難行  
每歲修築徒費無益其右有駱馬湖可通宜  
添築堤岸以爲緯道盱眙縣翟家埧之北古  
溝鎮諸決口卽宜堵塞使全淮盡由清口會  
黃入海

詔如所議行初瑪爾賽與內大臣班布爾善  
皆諂事輔政大臣鰲拜鰲拜遂引班布爾善  
爲大學士而欲以瑪爾賽爲戶部尙書時已  
有

旨擢任兵部侍郎瑪希納鰲拜疏援順治年間曾設滿洲尙書二員故事以薦瑪爾賽既任戶部與尙書王宏祚論事齟齬不得自專適戶部有失察書役假印盜庫金事吏部議瑪爾賽王宏祚處分並援恩詔寬免班爾布善獨票擬宏祚革任爲瑪爾賽洩忿八年正月瑪爾賽病歿得旨予祭奠如例鰲拜擅予謚曰忠敏未幾鰲拜及班布爾善皆獲罪逮訊得瑪爾賽党附

狀論追革官爵戮屍籍沒

詔免戮屍以所襲二等男爵予譚拜從孫佛保襲

岱松阿列傳 子阿納海巴漢附

湖 岱松阿滿洲正紅旗人姓佟佳氏世居雅爾

太祖高皇帝時授佐領

太宗文皇帝天聰二年隨貝勒岳託征明錦州獲人戶牲畜復攻克十三站以東二十餘

臺岱松阿同佐領巴什泰先還奏捷七年  
命同叅領英俄爾岱往朝鮮互市且贖  
敕責國王李倬背約附明倬惶恐上書謝罪  
八年以克副任使予騎都尉世職九月隨副  
都統巴奇蘭等征黑龍江叙功加一雲騎尉  
崇德元年隨英親王阿濟格征明昌平有俘  
獲二年駐防蓋州躡擊明兵旅順口獲敵船  
二斬二人擒七人以獻  
命以所獲銀布資之六年四月卒于阿納海

襲世職任佐領順治二年隨大軍勦流賊李  
自成於武昌追至高池口獲賊船三年隨肅  
親王豪格征流賊張獻忠師至西安聞叛鎮  
賀珍以馬步二千拒守鷄頭關阿納海與護  
軍統領鰲拜等攻破賊營進征四川屢擊敗  
獻忠部眾五年授工部理事官尋兼任叅領  
六年隨征叛鎮姜瓖於大同掘壕圍城賊數  
犯我汎池阿納海同都統噶達渾往來禦擊  
皆克捷七年九年三遇

恩詔晉世職至一等輕車都尉十八年山東  
土賊于七作亂阿納海隨靖東將軍濟席哈  
往征敗賊党喬玉季於連山賊復乘夜來犯  
我營阿納海奮力拒賊中創卒晉爵三等男  
予祭莫如典禮分世職爲二以其子愛音布  
襲二等輕車都尉而以岱松阿次子巴漢襲  
騎都尉兼一雲騎尉巴漢初任佐領隨安南  
將軍明安達哩駐防荆州聞海賊犯江寧移  
師赴援擊敗偽都督楊文英等康熙五年愛

音布卒無子卽以所襲之職併於巴漢復爲  
三等男十三年九月以叅領隨副都統碩塔  
穆森等征逆藩耿精忠師次安慶聞賊陷建  
德巴漢率兵偵探至赤頭閘賊拒戰擊之潰  
導大軍進攻賊開北門遁遂復縣城十一月  
賊四千餘眾犯南康巴漢隨碩塔穆森等擊  
敗之斬級千餘獲器械無算十六年隨鎮南  
將軍莽依圖江寧將軍額楚等征逆藩吳三  
桂由廣東進攻廣西破偽總兵蔣雄於樹梓



墟十八年偽將軍吳世琮犯南寧大軍往援  
世琮率眾渡江屯新寧州西山下列鹿角拒  
戰巴漢隨莽依圖等進勦斬獲無算世琮負  
重傷遁南寧圍解二十年隨征南大將軍賴  
塔規復雲南敗賊將何繼祖等於西隆州奪  
石門坎黃草坝諸要隘遂趨曲靖會湖南四  
川兩路兵攻克雲南城復隨都統希福等追  
勦賊將馬寶巴養元等於楚雄之烏木山叙  
功晉爵一等男二十九年三月卒子巴顏圖

襲爵

蘇拜列傳 子和託附

蘇拜滿洲正白旗人姓瓜爾佳氏前鋒統領  
烏哩堪之次子也蘇拜年十五從

太祖高皇帝征蒙古有功授侍衛兼管佐領  
事

太宗文皇帝天聰九年隨大軍征察哈爾收  
降林丹汗子額哲遂入明邊境攻代州明兵  
三百自崞縣赴援蘇拜爭先迎戰敵潰遁崇

德元年從征朝鮮破敵桃山村三年任護軍  
參領隨貝勒岳託征明自墻子嶺入邊越燕  
京擊敗明太監馮永盛軍五年大軍圍明錦  
州蘇拜屢擊卻松山杏山敵兵又同都統圖  
爾格等設伏烏忻河口多所俘獲敵兵千餘  
襲追戰卻之獲輜重以歸六年復圍錦州敗  
松山騎兵又敗明提督洪承疇三營步兵叙  
功子世職騎都尉加一雲騎尉七年隨貝勒  
阿巴泰征明至山東屢敗敵馬步兵攻克樂

安昌邑二縣八年凱旋晉世職三等輕車都

尉

世祖章皇帝順治元年隨睿親王多爾袞入  
山海關擊敗流賊李自成是年冬隨大軍西  
勦自成取道土默特鄂爾多斯入邊鑿黃河  
水濟師擒斬賊眾明年春至榆林賊乘夜襲  
我蒙古營蘇拜與護軍統領徹爾布往援擊  
敗羣賊旋軍遇伏復戰卻之進征延安七戰  
皆捷自成走湖廣躡追之至安陸屢破賊營

南州志卷之十一

斬獲無算三年署護軍統領隨肅親王豪格  
征流賊張猷忠敗賊將高汝礪於三寨山進  
擊猷忠於西充連敗賊眾我正藍旗軍爲賊  
所困蘇拜同護軍統領阿爾津率兵趨援大  
敗賊五年還京授護軍統領先是叙入闕及  
勦滅自成功洊晉一等輕車都尉加一雲騎  
尉及猷忠滅叙功金三遇

恩詔晉爵二等子八年正月同其兄烏拜及  
內大臣洛什博爾輝等舉發英親王阿濟格

謀干政罪狀議叙晉一等子加一雲騎尉二  
月洛什博爾輝以陷媚諸王造言構釁伏誅  
蘇拜與烏拜金坐附和罷任削爵籍沒又以  
睿親王薨時私置御用服飾蘇拜狗隱不舉  
又王欲移駐永平蘇拜曾與密謀論死得  
旨寬免九年起爲正白旗副都統十三年擢  
內大臣十五年

上念其職陣有功復爵一等男世襲尋授領  
侍衛內大臣康熙三年十二月卒

賜祭奠如典禮諡曰勒僖子昂安巴襲爵第  
三子和託初任侍衛康熙十五年以叅領從  
征陝西叛鎮王輔臣至平涼城北擊敗賊眾  
十六年從征逆藩吳三桂至湖廣於攸縣河  
岸擊敗賊將王國佐等又敗賊將胡國柱等  
於永興十九年由廣西征逆孽吳世璠敗賊  
將何繼祖等奪石門坎黃草塢進薄雲南城  
敗賊將胡國柄劉起龍叙功予世職騎都尉  
加一雲騎尉尋任護軍叅領五十二年卒子

巴爾素襲職

譚拜列傳

譚拜滿洲正白旗人姓他塔喇氏父阿敦官  
都統嘗從

太祖高皇帝征撫順招明遊擊李永芳來降  
譚拜初任佐領

太宗文皇帝天聰五年大軍圍大凌河城明  
總兵祖大壽遣百餘騎逸出譚拜同護軍叅  
領布顏圖追斬三十餘人獲馬二十有四入

清洲名目傳卷十一  
年以克副任使予騎都尉世職兼任叅領九年大軍征察哈爾收其降眾遂征明代州譚拜同前鋒叅領蘇爾德安達立率四十人伏忻口明哨卒三百至擊斬過半崇德元年隨武英郡王阿濟格征明敗敵燕京城北趨盧溝橋遇敵復敗之二年同叅領丹岱薩蘇喀等率護軍驍騎各四十畧明邊境次清河敵兵七百踞守奮擊之潰塞燾二並獲其馬三年隨貝勒岳託征明入墻子嶺薄豐潤縣城

擊敵墮壕殲殪無算復擊敗明太監馮永盛等拒戰兵四年隨鄭親王濟爾哈朗畧錦州率護軍破敵步兵於城南是年七月叙功加一雲騎尉五年授兵部叅政六年兼任正白旗蒙古副都統七年冬隨貝勒阿巴泰征山東攻利津縣克其城八年春出邊遇明總督趙光林范志定搃兵吳三桂白廣恩等邀戰率本旗兵戰皆捷凱旋

賚白金是年十月叙功晉世職三等輕車都

尉

世祖章皇帝順治元年隨大軍入關定燕京  
三年擢兵部尚書尋隨肅親王豪格征流賊  
張獻忠過陝西同都統瑪喇希等擊敗叛軍  
賀珍於鷄頭關進次四川屢擊敗獻忠賊眾  
復同都統李國翰渡涪江擊敗賊渠袁韜四  
年遷吏部尚書先是叙入關定燕京功並以  
考滿兩晉世職為一等輕車都尉及獻忠滅  
晉爵三等男嗣過

同治  
同治  
同治

天保

